

『扶桑略記』元慶六年六月三日甲戌条

權僧正法印大和尚位遍昭奏狀云。応令五畿七道諸国依実放生事。天平宝字三年六月格曰。唐曇靜奏狀稱。夫蠢々昆蚊誰无畏死。根翔走蹄。咸有愛身故殺生招短命之報。救危保長年之福。伏請遍勅諸国。立放生池。嚴加禁断。不許捕漁。自爾而降。勅每国置放生田。以其獲稻。充贖之死。而今聞。諸国放生之時。兩三日前。下符諸郡々司百姓等。娶不要之蟲介。候国宰之臨視比及数日。死者過半。夫放生者。所以活欲死之命。続將絶之生也。今如所聞。名称放生。実似殺生。伏望。自今以後。使購読師。若部内淨行僧。臨漁釣之江海。尋田獵之山林。贖懸魚於網罟之中。救窮獸於弓矢之下。但其料物者。歲始令件等僧。一向領之。即年終具注所贖之色。付帳言上。又応禁流毒捕魚事。如聞。諸国百姓。每至夏節。剥取諸毒木皮。搗碎散於河上。在其下流者。魚蟲大小拳種共死。尋其元謀。所要在魚。至于蟲介。无用於人。而徒非其要。共委泥沙。人之不仁。淫殺至此。夫先皇永遺放生之仁。後主■（去+皿）除流毒之害。伏望。自今以後。特禁一時之毒殺。將救群蟲之徒死。勅。宜俾内外遵行。